

Народн демократическ орн-нутгудар

ЧЕХОСЛОВАК

Сентябрин 25 оргч сө Прагин өөр, Гусинце—Ржид Чехословакд түрүн болдж бәргдсн, атомн реактор эклдж кōдлв. Реакторин оборудовань СССР өгсмн. Чехословакин техникудт болн тосхачнрт реакториг ниицүлдж, тосгъхднь советск специалистр бас нōкд болцхав.

Чехословакин атомн реактор хойр минъгън киловатт күчтә.

АЛБАНЬ

Нефть гаргъдг промышленность—Албана оля-әмтнә эдлахун нег ик чинртә халхнь. Орн-нутгт нефть гаргъдж авлгън дәәнә хōөлк цагт хойр холванас даву немв. Ниднин бүкл джилдән гаргъдж авсн чигә нефть, эн джилин зуг нәәмн сарин эргцд гаргъдж авгдв. Күцлттә геологическ хәәлгъ кесн учрар, одахн Патоса гидг районд нефть гардг шин газр олдж авб.

1960 джилд, хойрдгч тавн джилин чилгчәр, 900 минъгъ шаху тонн нефть Албаньд гаргъдж авдг болхмн.

КИТД

Сүүлин тавн джилмүдт Ляонин гидг провинцд 1,6 сай күн бәәх шин гермүд бәргдв. Шин бәргдсн гермүдин гурвна нег хүвнь Шеньянд тусатернь Китдин дорд-ар үзгин промышленн центр болн провинцин ах балгъсн. Түрүн тавн джилд Ляонин гидг провинцд бәргдсн, күн бәәдг гермүдин, школмудин, больницсин болн клубсин цуг газрин агъунь 11 сай квадратн метр болдж гарна.

Эн цагин эргцд Аньшаньд 62 минъгън квадратн метр агъута, күн бәәдг гермүд бәргдв. Эн балгъсна кōдлмшчнри өөлә асхнднь сургъуль сурдг университет, гурвн техникум болн асхнднь сургъуль сурдг 25 школ гаргъдв.